

Unicornna

Unicornna, fatina
Tù voce chjara di spiscina,
Alta sapienza traculina,
Tù arcu di scienza.
Unicornna, fatina
Tù ch'ùn hai micca cunfina,
Schjariscemi a strada divina
Di a cunniscenza.

« Ti mustreraghju a via
Chì va da sulana à umbrìa,
Tandu da cuscenza à tuntìa
Apri la to mente.
Serà longu u viaghju
Ma saviezza t'ampareraghju,
Per chè tù porti lu messaghju
A chì vole sente. »

Unicornna, fatina
Se qualchì volta la vadina
More luntana di a marina,
N'ùn mi lascià persu.
Unicornna, fatina
Empie a mio mente cantarina
Di a purezza medicina
D'u to universu.

« Ne arme ne fraccassu,
Per chè tù apri lu to chjassu,
Basteranu quadra è cumpassu
Per vince a bughjura. »

Unicornna, fatina
N'ùn sò ciò ch'a vita destina,
Ma se tù mi stai vicina

Quì à fiancu à mè,
Unicornna, fatina
U lume nascerà da tè...